



Inombolo yefayili: 18/5/5 (2025/26)
Isalathiso: 20250903-6462

ISetyhula: 0026/2025

Umhla wokuphelelwa: 31 Matshi 2027

Iya: KumaSekela Balawuli-Jikelele, kuBalawuli abaziiNtloko, kuBalawuli, kuBaphathi beeSekethe, kwiiNtloko zoLawulo nokuPhathwa kwamaZiko, kumaSekela eeNgcali zeMfundo eziziiNtloko, kumaSekela Balawuli kwizithili, kwiiNtloko zezikolo ezizipriprayimari nezezikolo ezizimeleyo ze-ECD, nakwiiNqununu zezikolo zikarhulumente eziqhelekileyo ezineeklassi zamaBakala R

Isishwankathelo esifutshane: *Ingcaciso eya kubo bonke abathathi-nxaxheba engeenkqubo zokwenza isicelo senkxaso-mali yeBakala R neminye imiba echaphazelekayo.*

Isihloko: linkxaso-mali zeBakala R neminye imiba enxulumene nayo ukususela nge-01 Apreli 2026

1. Ulwabiwo-mali lweBakala R

Le setyhula ibhekiselele kubafundi beBakala R njengoko bechazwa kuMthetho weZikolo zaseMzantsi Afrika, 1996 (uMthetho 84 ka-1996), njengoko ufakelwe izilungiso, yaye ke ngoko ayilibandakanyi iqela labafundi abaneminyaka eyi-0 ukuya kweyi-4.

1.1 Izabelo-mali zibalwa ngokweMimiselo *National Norms and Standards for School Funding*, epapashwe kwiGazethi kaRhulumente No 30679 ye-18 Januwari 2008. Ileta yesabelo-mali (njengoko kuchaziwe kwingongoma 6) iquka iinkcukacha zocazululo zolwabiwo-mali oluthe ngqo ukulungiselela unyaka-mali ka-2026/27, kwakunye nolwabiwo-mali lwethutyana (*provisional allocations*) loonyaka-mali ababini abalandelelanayo, o.k.t. u-2027/28 no-2028/29.

1.2 Iinkcukacha zemimiselo nemigangatho yolwabiwo-mali (N&S) ukwenzela iBakala R kunyaka-mali oqala nge-01 Apreli 2026 ukuya kwi-31 Matshi 2027, ziyafumaneka kwi-CEMIS yaye zinokufunyanwa ngale ndlela ilandelayo:

- (a) Ngokuloga kwi-CEMIS.
- (b) Ngokuklikha ku-"Proceed", ukhethe u-"Administration" kwi-menu bar, uklikhe ku-"Norms and Standards Allocation" emva koko ukhethe u-"N&S 2026/27".
- (c) Maliprintwe elo phepha.

1.3 Ukubalwa kwesabelo-mali senkxaso-mali yeBakala R

1.3.1 Kuvunyiwe ukuhlawulwa kweenkxaso-mali kubafundi abakula maqela obudala alandelayo (ngo-2026) kwiiklasi ezivunyiweyo kwizikolo zikarhulumente eziqhelekileyo, kwizikolo zoPhuhliso lweMfundo yaBantwana aBasaqalayo (*Early Childhood Development*) (ECD)) (iipriprayimari), kumaziko e-ECD karhulumente azimeleyo abhalisiweyo nakwizikolo eziqhelekileyo ezizimeleyo ukususela nge-01 Apreli 2026:

- (a) abafundi abagqiba iminyaka eyi-5 phambi kwe-30 kaJuni;
- (b) abafundi abaneminyaka eyi-5, nabaza kugqiba eyi-6; kunye
- (c) nabafundi abaneminyaka eyi-6, abaza kugqiba eyi-7, abathe bagcinwa kwiBakala R yaye ke ngoko abayi kudlulela kwiBakala 1 kunyaka olandelayo.

1.3.2 Izikolo ziya kufumana isabelo-mali ngokwezi ndidi zilandelayo:

(a) Izikolo zikarhulumente eziqhelekileyo nezikolo ze-ECD zikarhulumente

Isixa-mali senkxaso-mali ye-N&S ngomfundi ngamnye weBakala R ngonyaka, kubandakanywa neyona nkxaso-mali isezantsi yestayiphendi sepraktishina yeBakala R ngonyaka:

Udidi lweziko (abafundi beBakala R abangama-25 nangaphezulu)	INqanaba leNtlupheko likazwelonk e (NQ)	Imeko yokuhlawula iifizi yeziko	Inkxaso-mali ye-N&S ehlawulwa ngomfundi ngamnye ngonyaka *	Inkxaso-mali yestayiphendi esezantsi yeBakala R ngonyaka **
Izikolo zikarhulumente eziqhelekileyo nezikolo ze-ECD zikarhulumente ezifundisa iBakala R	NQ1–NQ5	Ezingahlawulisi zifizi	R1 512	R148 510
	NQ4	Ezihlawulisa iifizi	R920	R148 510
	NQ5	Ezihlawulisa iifizi	R420	R148 510

*Isixa-mali senkxaso-mali ye-N&S ngomfundi ngamnye ngonyaka yenkcitho enganxulumenanga nabasebenzi yokwenziwa komsebenzi, kubandakanywa nezibonelelo zokuxhasa ukufunda nokufundisa (LTSM).

**Eyona nkxaso-mali isezantsi yestayiphendi kwipraktishina yeBakala R engenamabanga emfundo afanelekileyo (*unqualified*) eqeshwe libhunga lolawulo.

Eyona nkxaso-mali isezantsi ye-N&S esebenza kuzo zonke izikolo zikarhulumente eziqhelekileyo nezikolo ze-ECD zikarhulumente:

Udidi lweziko	INqanaba lentlupheko likazwelonk e (NQ)	Imeko yokuhlawula iifizi yeziko	Esona sisezantsi (ngaphantsi abayi-25 beBakala R)		Esona sisezantsi (ngaphantsi abayi-13 beBakala R)	
			sabelo-mali ngonyaka kwabafundi	sabelo-mali ngonyaka	sabelo-mali ngonyaka kwabafundi	sabelo-mali ngonyaka
Izikolo zikarhulumente eziqhelekileyo nezikolo ze-ECD zikarhulumente ezifundisa iBakala R	NQ1–NQ 5	Ezingahla- wulisi zifizi	Inkxaso- mali yestayiphe ndi ngonyaka	Inkxaso- mali ye-N&S ngonyaka	Inkxaso- mali yestayi- phendi ngonyaka	Inkxaso- mali ye- N&S ngonyaka
	NQ4	Ezihlawu- lisa iifizi	R148 510	R36 291	R148 510	R18 145
	NQ5	Ezihlawu- lisa iifizi	R148 510	R22 070	R148 510	R11 035
			R148 510	R10 080	R148 510	R5 040

Izikolo zikarhulumente ezinepraktishina yeBakala R engenamabanga emfundo afanelekileyo (*unqualified*) eqeshwe libhunga lolawulo, ziya kufumana eyona nkxaso-mali isezantsi yestayiphendi ngonyaka nesona sabelo-mali sisezantsi se-N&S ngonyaka. Ukuba ipraktishina yeBakala R ihlawulwa kusetyenziswa iPESALI, liSebe leMfundo leNtshona leKoloni (WCED), isikolo siya kufumana inkxaso-mali yesabelo-mali se-N&S ngonyaka nokuba ngaba ipraktishina yeBakala R inawo amabanga emfundo afanelekileyo okanye ayiqeqeshwanga ngokufanelekileyo (*qualified or underqualified*).

(b) Izikolo ezizimeleyo

Udidi lweziko	Imeko yokuhlawula iifizi yeziko	Inkxaso-mali yeBakala R ngomfundi ngamnye ngonyaka *
Amaziko azimeleyo (zonke izikolo/amaziko aphantsi kolawulo lwabucala, afundisa iBakala R)	Ezingahlawulisi zifizi	R6 600
	Ezihlawulisa iifizi	R3 780

*Inkxaso-mali yeBakala R ngomfundi ngamnye ngonyaka ibandakanya inkxaso-mali ye-N&S ngomfundi ngamnye kwakunye nenkxaso-mali yestayiphendi kwipraktishina yeBakala R.

2. Ukusetyenziswa kwesabelo-mali seBakala R

2.1 Izikolo zikarhulumente eziqhelekileyo nezikolo ze-ECD zikarhulumente

2.1.1 Iipraktishina zeBakala R ezisizikolweni (eziqeshwe libhunga lolawulo) kuzo zonke izikolo zikarhulumente eziqhelekileyo nezikolo ze-ECD zikarhulumente mazifumane esona sabelo senkxaso-mali sisezantsi se-R148 510 ngonyaka (i-R12 375, 83 ngenyanga) esihlawulwa ngomatshini kabini ngonyaka (*biannually*).

2.1.2 Injongo yenkxaso-mali ye-N&S kukuhlawulela naziphi na iindleko ezingezizo ezokuhlawulwa kwemivuzo ezifana nezibonelelo zokuxhasa ukufunda nokufundisa (*LTSM*) kunye neendleko zokwenziwa komsebenzi ezifana nee-akhawunti zeenkondo zikamasipala, ii-akhawunti zefoni, ezokukopa nokuprinta, ezezinto zokucoca, ezokulungiswa kweeklasi zeBakala R, kunye naziphi na ezinye iinkondo ezifunwa ziipraktishina zeBakala R. Kucetyiswa ukuba inkxaso-mali ye-N&S yahlulwe ngolu hlobo lulandelayo:

- (a) Yi-50% eyabelwa i-LTSM kuqukwa zombini iindidi ze-LTSM ezisetyenziswa ngaphakathi nangaphandle ukulungiselela abafundi beBakala R. Zonke ii-LTSM ezithengiweyo mazirekhodwe kwi-inventri yeklasi yeBakala R
- (b) Yi-50% eyabelwa ukuhlawula iindleko zokwenziwa komsebenzi. Iindleko zokwenziwa komsebenzi ziindleko eziqhubeka okoko ezibangelwe yinkcitho yemihla ngemihla yokwenziwa komsebenzi (*normal day-to-day running of a business*).

2.2 Izikolo ezizimeleyo

2.2.1 Izikolo mazibekele bucala inxalenye yenkxaso-mali yazo yeBakala R yeendleko zabasebenzi kunye nenxalenye eya kwiindleko ezingezizo ezabasebenzi.

- 2.2.2 Amabhunga olawulo azo zonke izikolo ezizimeleyo makawongeze umvuzo wepraktishina yeBakala R ukwenzela ukuba ipraktishina ifumane ubuncinane inkxaso-mali esisistayiphendi se-R148 7510 ngonyaka (R12 375,83 ngenyanga) okanye ngaphezulu.
- 2.2.3 Kucetyisiwa ukuba, emva kokwabiwa kwenxalenye yesabelo-mali senkxaso-mali yeBakala R kwiindleko ezinxululumene nezabasebenzi (*personnel costs*), intsalela eseleyo yenkxaso-mali imele ukwahlulwa ngolu hlobo lulandelayo:
- (a) I-50% yabelwe i-LTSM kuqukwa ne-LTSM yangaphakathi neyangaphandle (*indoor and outdoor LTSM*) esetyenziswa ngabafundi beBakala R. Zonke izibonelelo ze-LTSM ezathengwayo mazirekhodwe kwi-inventri yeklassi yeBakala R.
 - (b) I-50% yabelwa iintlawulo zazo naziphi na iindleko zokwenziwa komsebenzi (*operational cost*). Iindleko zokwenziwa komsebenzi ziindleko eziqhubeka okoko ezibangelwe yinkcitho yemihla ngemihla yokwenziwa komsebenzi (*normal day-to-day running of a business*).
- 2.3 Amabhunga olawulo makabhalise kwiNkonzo yeNgeniso yoMzantsi Afrika (*South African Revenue Service*) njengebaqeshi. Iintlawulo eziyimirhumo kwi-Unemployment Insurance Fund neze-Pay as You Earn mazixhuzulwe kumvuzo wepraktishina yeBakala R yaye ihlawule kumasebe karhulumente achaphazelekayo.
3. **Amabango nentlawulo yenkxaso-mali yeBakala R**
- 3.1 Amabango enkxaso-mali eBakala R aya kususelwa kwi-**Annual School Survey (ASS) yango-2026**.
- 3.2 **Kucelwa kuqinisekiswa ukuba yonke idatha ye-ASS ka-2026 ichanekile yaye isayinelwe ngokungqinelana namathuba amaxesha achaziweyo. Akukho zilungiso ziya kuvunyelwa kwi-CEMIS emva kokusayinelwa kwe-ASS.**
- 3.3 Kubaluleke gqitha ukuqaphela ukuba:
- (a) bonke abafundi beBakala R mabafakwe kwikhompyutha/mababhalise kwisistim i-CEMIS;
 - (b) umfundi ngamnye weBakala R makafakwe eklasini;
 - (c) ipraktishina yeBakala R echazwe ngokuchanekileyo mayibe yinxalenye yeklassi nganye yeBakala R. Ukuchazwa ngegama layo ipraktishina (*identification*) kubalulekile ekubalweni kwenkxaso-mali yeBakala R yamaziko; yaye
 - (d) ukuba ipraktishina ihlawulwa ngoPESALI, nokuba ipraktishina **inawo amabanga emfundo afanelekileyo okanye ayiqeqeshwanga ngokufanelekileyo (*qualified or underqualified*)**, ipraktishina imele ukuba yinxalenye yabasebenzi abaqeshwe liSebe i-WCED. Ukuba ibhunga lolawulo lenza umsebenzi wokuhlawula ipraktishina, oko makuchazwe phantsi kodidi lwecandelo lebhunga lolawulo kwi-CEMIS. Oku kuya kuqinisekisa ukubalwa ngokuchanekileyo kwentlawulo yenkxaso-mali eyenziwa ngomatshini.

- 3.4 Ibango linokungeniselwa intlawulo ukuba ngaba ezi mfuno zimiselweyo zingentla zifezekisiwe. Ukungaphumeleli ukuhambelana mbo nezi mfuno zimiselweyo kungakhokelela ekubeni iziko liphulukane nentlawulo yenkxaso-mali yalo okanye nenxenye yayo.
- 3.5 Kwizikolo ezizimeleyo ezineepraktishina zeBakala R zebhunga lolawulo kwakunye nezo zeSebe iWCED, iSebe iWCED liya kuthabatha abafundi abayi-33 abona baninzi ukwenzela iklassi yeBakala R enepraktishina yeSebe iWCED yaye liya kuxhasa kuphela ngemali elo nani liseleyo labafundi.
- 3.6 Njengenkqubo eqhubeka okokoko, amabango enkxaso-mali yeBakala R makangeniswe zizikolo ngokungena kwi-CEMIS ngale ndlela ilandelayo:
- (a) Ngokuloga kwisistim i-CEMIS.
 - (b) Ngokuklikha ku-“Proceed” ukhethe u- “Administration” kwi-menu bar uklikhe emva koko u-“Grade R Subsidy”.
 - (c) Makukhethwe u-“Submit Application”.
 - (d) Makuchazwe ukuba “Will you be applying for Grade R subsidy?”. Ngokukhetha u-YES/NO.
- 3.7 Kucelwa kuzaliswe la macandelo achaphazelekayo (*relevant fields*) afunekayo kuze kuprintwe uxwebhu lwebango lwesikolo ukulungiselela iinjongo zeerekhodi emva kokuba ibango lingeniswe. Ibango lenkxaso-mali yesikolo liya kungeniswa ngekhompyutha kwi-ofisi yesithili echaphazelekayo. Akukho nyathelo lilelinye lifunekayo kweso sikolo/ziko.
- 3.8 Kucelwa kufundwe uxwebhu i-Grade R Subsidy Claim Application System User Manual kwi-CEMIS ukufumana isikhokelo senyathelo nenyathelo lenkqubo yokungeniswa kwebango lenkxaso-mali ngokuyimpumelelo.
- 3.9 Itotali eyi-50% yolwabiwo-mali iya kuhlulwa ngethuba lesixa sesavenge sika-**Aprili/Meyi**, size isixa sesavenge esiseleyo esiyi-50% sihlulwe ngethuba lesixa sesavenge **sango-Oktobha/Novemba**.
- 3.10 Amaxesha amisiweyo emihla yenkqubo yango-2026:

Isixa sesavenge sika-Aprili/Meyi (IKota yeSikolo 2 no-3 kunyaka wesikolo ka-2026)

Umhla	Inyathelo
08 Aprili 2026	Isistim i-CEMIS ivulelwa ukungeniswa kwamabango iintsuku EZINE kuphela .
13 Aprili 2026	Umhla wokugqibela wokungeniswa kwamabango zizikolo. Makuqatshelwe: Akavumelekanga ukungeniswa kwamabango entlawulo emva kwalo mhla.
17 Aprili 2026	Ii-ofisi zezithili ziqukumbela iinkqubo zeengcebiso nokuvunywa kwamabango kwi-Eduinfosearch, zize zilisayinele ibango ngalinye.
15 Meyi 2026	Umhla wokugqibela wentlawulo yenkxaso-mali kwizikolo

Isixa sesavenge sango-Oktobha/Novemba (Ikota 4 yonyaka wesikolo ka-2026 neKota 1 yonyaka wesikolo ka-2027)

Umhla	Inyathelo
06 Oktobha 2026	Isistim i-CEMIS ivulelwa ukungeniswa kwamabango iintsuku EZINE kuphela.
09 Oktobha 2026	Umhla wokugqibela wokungeniswa kwamabango zizikolo Makuqatshelwe: Akavumelekanga ukungeniswa amabango entlawulo emva kwalo mhla.
16 Oktobha 2026	Ii-ofisi zezithili ziqukumbela iinkqubo zeengcebiso nokuvunywa kwamabango kwi-Eduinfosearch, zize zilisayinele ibango ngalinye.
13 Novemba 2026	Umhla wokugqibela wentlawulo yenkxaso-mali kwizikolo.

3.11 Okuqhubekayo ngebango

Okuqhubekayo ngebango kunokulandelelwa kwisistim i-CEMIS yaye kunokungenwa kuyo ngale ndlela ilandelayo:

- Ngokuloga kwisistim i-CEMIS.
- Ngokuklikha ku-"Proceed" ukhethe u-"Administration" option kwi-menu bar, uze uklikhe u-"Grade R Subsidy".
- Makukhethwe u-"Claim status".

4. Izikolo ezingahlawulisi zifizi

4.1 Izikolo ezingahlawulisi zifizi ezifumana inkxaso-mali yeBakala R kuRhulumente azivumelekanga ukuhlawulisa iifizi zesikolo zabafundi beBakala R (makufundwe uxwebhu i-*National Financial Management Guidelines in Respect of Schools Offering Grade R Classes, October 2009*, ikhasi 4).

4.2 Abazali banokucelwa ukuba bahlawule ngokuzithandela (*voluntary contributions*) kodwa ezi ntlawulo azimele kuba zezinyanzelekileyo yaye mazingaze zisetyenziselwe ukuvalela ngaphandle abafundi abanabazali abangenakuzihlawula ezi ntlawulo zilolu hlobo.

5. Iimfuno ezimiselweyo zokunika ingxelo

Makulandelwe mbo iimfuno ezimiselweyo zokunika ingxelo eziqhelekileyo njengoko zichaziwe zii-ofisi zezithili, ukulungiselela intlawulo yenkxaso-mali elandelayo.

6. Iileta zeBakala R

6.1 Iileta yolwabiwo-mali lokugqibela

6.1.1 Iileta zolwabiwo-mali lokugqibela ziya kupapashwa kwisistim i-CEMIS ungadlulanga owe-15 Apreli 2026.

- 6.1.2 Izikolo zingayijonga yaye ziyiprinte ileta yolwabiwo-mali yokugqibela kwisistim i-CEMIS ngale ndlela ilandelayo:
- (a) Ngokuloga kwisistim i-CEMIS.
 - (b) Ngokuklikha u-*"Proceed"*, ukhethe u-*"Administration"* option kwi-menu bar, uklikhe ku-*"N&S Allocation"*.
 - (c) Makukhethwe u-*"N&S 2026/27 Final"*.

6.2 Ileta ebonisa intlawulo yenkxaso-mali

6.2.1 Ileta zentlawulo zeenkxaso-mali, ngokusekelwe kwinani labafundi ababhalisiweyo abavunyiweyo yi-ofisi yesithili echaphazelekayo, ziya kufumaneka kwisistim i-CEMIS emva kwesixa sesavenge ngasinye esihlawulweyo.

- 6.2.2 Izikolo zinokujonga yaye ziprinte ileta yentlawulo yenkxaso-mali kwisistim i-CEMIS ngale ndlela ilandelayo:
- (a) Ngokuloga kwisistim i-CEMIS.
 - (b) Ngokuklikha u-*"Proceed"*, ukhethe u-*"Administration"* option kwi-menu bar uklikhe ku-*"Grade R Subsidy"*.
 - (c) Makukhethwe u-*"Subsidy payment letter"*.
 - (d) Makukhethwe u-Print" (ukufumana ikopi eprintiweyo).

7. Inombolo zoqhagamshelwano xa kukho imibuzo:

Isihloko	Igama	linkcukacha zoqhagamshelwano
Ulwabiwo-mali lweN&S neentlawulo ezenziwe ngoomatshini kwizikolo neminye imibuzo engenxaso-mali zeBakala R (izabelo-mali ze-N&S)	Makuqhagamshelwane negosa leBakala R elichaphazelekayo kwinqanaba lesithili.	Eze-ofisi yesithili esichaphazelekayo
Imibuzo emalunga nesistim i-CEMIS	Makuqhagamshelwane nomlawuli wesistim i-CEMIS ochaphazelekayo kwinqanaba lesithili	Inombolo yoqhagamshelwano ye-CEMIS iyafumaneka phantsi kwe- <i>"CEMIS Support"</i> menu option

8. Kucelwa wazise okukule setyhula bonke abasebenzi abachaphazelekayo ukuze bakuthathele ingqalelo.

ISAYINWE: NGU-B WALTERS
INTLOKO YESEBE LEMFUNDO
UMHLA: 2025-09-19